

MASTER NEGATIVE
NO. 93-81668-12

MICROFILMED 1993

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States - Title 17, United States Code - concerns the making of photocopies or other reproductions of copyrighted material.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or other reproduction is not to be "used for any purpose other than private study, scholarship, or research." If a user makes a request for, or later uses, a photocopy or reproduction for purposes in excess of "fair use," that user may be liable for copyright infringement.

This institution reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

MICHAELIS, JOHANN
GEORG

TITLE:

DE TETRACTY
PYTHAGORICA...

PLACE:

FRANCOF. AD VIADRUM

DATE:

[1735]

Master Negative #

93-P1668-12

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record


| | | |
|--------------|---|--------------|
| 183P99 DM | Michaelis, Johann, Georg. 1690-1758. ...De tetractyl Pythagorica... Francof. ad Viadrum 1735. Sq.O. 3, + 27p. Academic dissertation, I.T. <u>Cabrit</u> , re- spondens. | Dissertation |
|--------------|---|--------------|

197941

Restrictions on Use:

TECHNICAL MICROFORM DATA

FILM SIZE: 35 REDUCTION RATIO: 11x
IMAGE PLACEMENT: IA IIA IB IIB
DATE FILMED: 8-12-93 INITIALS SS
FILMED BY: RESEARCH PUBLICATIONS, INC WOODBRIDGE, CT




AIIM

Association for Information and Image Management

1100 Wayne Avenue, Suite 1100
Silver Spring, Maryland 20910



301/587-8202




Centimeter



Inches



MANUFACTURED TO AIIM STANDARDS
BY APPLIED IMAGE, INC.




De tetractylis negonice

183P99
Jm

183P99

Im

Columbia College
in the City of New York



Library.

COLLEGII DISPUTATORII PVBLICI
EXERCITATIO VII.
DE
**TETRACTY PYTHA-
GORICA**

QVAM
FAVENTE SVPREMI NVMINIS
GRATIA
IN ALMA VIADRINA
PRAESES
IO. GEORGIVS MICHAELIS,

ADHVC PHILOL. SACR. PROF. PVBL. ORD.
NVNC. STHEOL P. P. O. ET ILLVSTR. GYMN.,
MALENS. REFORM. EPHORVS VOCATVS

ET
RESPONDENS
ISAACVS THEODORVS CABRIT, ✓

Corbus, Lufatus, Philos. & Theol. Cultor,

IN AVDITORIO MAIORI

ad d. XXVI. Maii A. C. clj l5 ccxxxv.

placida *συμφιλογονται* disquisitioni submitunt.

FRANCOF. ad VIADRVM,
Typis SIGISMVNDI GABRIEL. ALEX.

ALBANY
COLLEGE
LIBRARY

9 June 17 9m

VIRIS
SVMME REVEREND IS,
DOCTISSIMIS, AC CELEBERRIMIS
DOMINO

COLUMBIA
COLLEGE
LIBRARY N.Y.

PHILIPPO FORNERET,
SVPREMI CONSISTORII GALLICI MEMBRO
DIGNISSIMO, COETVS GALLICI BEROLI-
NENSIS PASTORI VIGILANTISSIMO,

DOMINO
SAMVELI FORMEY
ECCLES. GALL. BEROLLIN. PASTORI
MERITISSIMO,

MAECENATIBVS ATQVE FAVORIBVS
OB INNUMERA IN SECOLATA BENEFI-
CIA AD VRNAM VSQVE
COLENDIS

PRIMITIAS HASCE ACADEMICAS IN SEMPITER-
NAM GRATI ANIMI MEMORIAM

2/807 1681 4 NJ

DAT, DICAT, CONSECRAT
RESPONDENS.

157146

ARMULIO
COLLEGE
Y. M. YSAACI

§§ (1) §§
EXERCITATIO PHILOLOGICA
DE
TETPAKTY PYTHAGORICA.

§. I.



Hilosophiam Pythagoricam multa habere singularia, qui illam propius aliquanto considerat, non facile negabit. Obscurum illud & symbolicum dicendi genus, regimen, quod in vestitum, cibum, sermonem, omnesque adeo disciplinæ suæ alumnorum

*Recensentur
scriptores,
qui de te-
tracty Pytha-
gorica sunt
commentati.*

actiones sibi adfectabat, attentionem & tacitam aliquam admirationem excitant. Sunt autem pleraque Pythagoreorum mysteria eo difficiliora, quod pro sectæ suæ instituto dogmata sua quam solícite celauerunt. Id omni iure de ipsorum adeo decantata TETPAKTY affirmari potest, quam tanto prosequerantur honore, ut vel ob illius manifestationem magistrum fecerint maximi, eandemque sacratissimi iurisiurandi loco habuerint. Fuerunt equidem iamdum & antiquioribus & recentioribus temporibus, qui illius aliquam rationem reddere, eandemque ex tenebris suis eruere sunt adnisi. Ex illis eminet PHILO, homo & ingenii & sagacitatis & sapientiæ laude conspicuus, qui cum in philosophia Platonica probe versatus esset, doctrinamque de numeris in magno haberet pretio, peculiarem libellum de hoc argumento conscribere est pollicitus (1), qui num umquam lucem adspexerit, an vero tem-

A

poris

(1) de mund. opif. Opp. p. 10.

poris diuturnitate nobis fuerit ereptus, non facile dixerim. ERHARDVS WEIGELIVS, celeberrimus Ienensium philosophus & mathematicus, Pythagoreorum tetractyn pariter excussit (2). Sed uterque & PHILO & WEIGELIVS in eo tantum occupati fuerunt, ut huius rationem ex doctrina de numeris expedirent, nisi quod tamen etiam WEIGELIVS tetractyos Pythagoricæ vestigia in corpore naturali quaesierit. Aliam viam est ingressus GOTHEFRIDVS VENDELIVS, vir doctissimus, qui in epistola, ad Eryc. Puteanum data & a. 1637. formis expressa, demonstravit: Pythagoræ τετρακτύν esse ipsum nomen τετραγέαιματον, in cuius notitiam ex consortio cum ludæis inciderit. Quæ sententia cum specie se sua satis commendat, plures admodum calculum eidem adiecerunt. Sed enim quia in illa nondum omnia ad liquidum mihi perducta videntur, præsentem commentationem concinnaui, in qua cum primis operam dabo, ut demonstrarem, (1) qua veneratione Pythagorei τετρακτύν suam sint prosecuti, (2) quid per illam secundum characteres, quibus eandem insigniunt Pythagorei, sit intelligendum.

§. II.

Examina-
tur interpre-
tatio SEL-
DENI ver-
sum quo-
rundam, sic
dictorum Py-
thagoræ.

Quidquid huius est exercitationis, illud omne recumbit in illos versus, quos habemus in aureis carminibus Pythagoræ, cuius demum cumque illa sint auctoris, qui his concepti sunt verbis:

Να μα τον ἀμετέρα Φυχα παραδόντα ΤΕΤΡΑΚΤΥΝ,
παγαν ἀνάα Φυσίως, v. 47. 48.

Quæ verba erudit. SELDENVS ita conuertit (3):

(2) MORHOF. P. olyh. Philof. L. I. c. II. m. 4. p. 15. (3)
de DIS Syris Synt. II. c. I. p. 135.

non per τετρακτύν, siue quaternarium numerum, qui anima nostra fontem dedit, in quo perennis natura, siue aternitatis fundamenta sunt. Aut, non per τετρακτύν, qui vita nostra fontem dedit, in quo aterna natura sunt radices. Nullam prorsus video rationem, quare SELDENVS illud να per non interprete-
tur, cum tamen, quod apud omnes est in confesso, confirmandi & adseuerandi sit particula: quoties autem cumque τα μα adiungitur, tum id, quod adfirmamus, iurisiurandi quasi religione & sacramento munimus, quod exemplis firmat doct. DEVARIVS (4). Nec, quod proxime sequitur, παγαν ἀνάα Φυσίως diuellendum existimo ab eo, quod proxime anteuertit τετρακτύν; quod enim in sequentibus luculentius declarabimus, in τετρακτύν rerum omnium fontem atque originem quaesierunt.

§. III.

Prius autem quam ad ipsam rei inuestigationem nos accingamus, oportet paucis in vocis originem inquiramus, cum & illa nobis haut raro viam pandat, qua in intimiorem rei notitiam nos immittere queamus. Vox petita est a numeris, quorum Pythagoras erat amantissimus, & vel τετρακτύς, vel τετρας effertur. HESYCHIVS in illius interpretatione dum versatur, non tam eiusdem formam ac internam significationem respicit, ΤΕΤΡΑΚΤΥς, inquit, πυθαγορικὸς ὄρκος, ἡ γὰρ τῶν τεσσαρῶν στοιχείων σημαίνων. A quaternario numero adpellationem enatam fuisse, ponit quidem, simul vero symbolicam illius rationem euoluit, scilicet hac ipsa voce digitum intendi in quatuor elementa, ex quibus omnia corpora huius vniuersi sunt exorta; vnde etiam adpellationis rationem arcessit PHILO (5), cuius verba in sequentibus adducemus. MACROBIVS se-

Inquiritur
in significa-
tionem vocis
τετρακτύς.

A 2

cun-

(4) de partic. lingu. græc. p. m. 311. 312. (5) de plantat. Nōc p. 231.

cundum internam & propriam suam potestatem commodè admodum per QVATERNARIVM latine reddidit; vjs quippe huius nominis a numeris est petita (6).

§. IV.

Iurasse & per ipsam tetractyn & fidem suam obstringerent, nec cuiquam integrum esset, sacramentum mystica hac voce conceptum, temeritate violare. Iurisiurandi vicem præstitisse §. præced. ex HESYCHIO vidimus. Idem illud clarius aliquanto explanat HIEROCLES, qui rem ita disceptat: ἐπειτα καὶ ὁ ὅρκος αὐτὸς γινέται δόγμα, ὅτι τοῖς διδασκαλοῦ τῆς ἀληθείας ἢ τῶν θεῶν τιμᾶν, ὡς καὶ αὐτὸν αὐτὸν, εἰ πᾶσι θεοῖς βεβαιώσιν τῶν δόγματων καὶ μὴ μόνον τὸ ΑΤΤΟC ΕΘΑ περὶ αὐτῶν λέγειν, ἀλλὰ καὶ ταῦτα ἢ τῶς ἔχειν ΝΗ ΤΟΝ ΑΤΤΟΝ. Adhuc hoc ipsum iurandum habet rationem dogmatis, veritatis magistrum tanto honore esse adficiendum, ut etiam fas sit per ipsum iurare; si quidem illud ad confirmationem præceptorum requiratur. Nec solum dicendum esse IPSE DIXIT, verum etiam ita sese habere PER IPSVM iurare licere (7). Ex quibus verbis intelligimus, τετρακτύν quidem non ipsam iurandi formulam ingressam, nec iusiurandum ad illam institutam fuisse, sed tantum rationem atque occasionem fuisse, cur tanti fecerint Pythagoram, ut vel solis ipsius verbis fidem adhibuerint, vel veritatem præceptorum, ab ipso traditorum, sanctissimo sacramento sanxerint. Idem docet IAMBlichVS, Pythagoreos non tam per τετρακτύν iurasse, nec nomen Pythagoræ expressisse, sed per inuentionem numeri quaternarii iusiurandum concepisse (8). Contra vero PORPHYRIVS per ipsam τετρακτύν iurasse adseuerat: διόπερ

(6) Saturn. L. I. c. VI. p. 33. (7) p. 166. (8) de vit. Pythag. c. CL. p. 127. c. CLXII. p. 138. 139.

ἐν τῇ τῶν παρ' αὐτοῖς ἐν ταῖς μαθηματικαῖς ἀπορήτων προχειρισμένοι, γλαφυροί, ἄλλος γὰρ πρὸς πολλὰ διατείνον φυσικὰ συντελέσματα, τὴν τε λεγόμενῃν ΤΕΤΡΑΚΤΥΝ δι' αὐτῆς ἐπαμύτων, ideoque, quotiescunque ex scientia sua secretis scitum aliquid & elegans essent tradituri, & ex quæ multa physica conclusiones educerentur, tum imprimis tetractyn, quam vocant, per eam iurabant (9). Per ipsam hanc τετρακτύν iurasse, eandemque singulari iurisiurandi religione sacram fuisse, LVCIANVS confidenter satis adseuerat, εἰσι δὲ οἱ καὶ τὴν ΤΕΤΡΑΚΤΥΝ τοῦ μεγιστοῦ ἔρκον αὐτῶν, sunt autem & qui QVATERNIONEM summum ipsorum sacramentum habent (10). Ipso etiam opere per τετρακτύν iurasse, idem ille, doctrinam Pythagoræ de numeris derisurus, docet, vbi aliquem iurantem introducit: ὃ μα τὸν μεγιστὸν τοῦτον ὅρκον τὰ ΤΕΤΤΕΡΑ, ὃ ποτε θείστερος λογῆς ἤκιστα, ὃ δὲ μάλλον ἱερὸς per maximum iuramentum QVATVOR (tetractyn), numquam neque diuiniore, neque sanctiores sermones audiui. Pythagoreos autem non per ipsam τετρακτύν iurasse, probat PALMERIVS (11), vtrumque vero conciliant HOLSTENIVS (12) & KVSTERVS (13).

§. V.

Ex his autem, nisi me omnia fallunt, hoc videtur. In tetractyn ali- quod in τετρακτύν latere, vel summi diuini aliam totius philosophiæ Pythagoricæ symbolice continere, quid latere. ri, ut ob τετρακτύς manifestationem magistrum tanto honore dignum iudicauerint. Nihil hic contra Pythagoreorum sententiam adfirmo, prono enim aluo id, quod dixi, ex HIEROCLIS verbis, quæ in dissertationis processu adfert, sequuntur: παραδίδοται δὲ ἡ τέττα γινώσκῃ τοῖς πυθαγορείοις δι' αὐτῶν τῶν πυθαγορῶν, ὃν καὶ νυν

A 3

επο-

(9) de vit. Pythag. c. XX. p. 29. (10.) dial. pro laps. inter sal. opp. T. I. p. 521. (11) exercit. p. 228. (12) ad Porphy. de vit. Pythag. p. 28. 29. (13) ad Iamblich. de vit. Pythag. p. 127.

ἐπομνύται ὁ τῶν ἰσῶν τετῶν συγγραφεύς, ὅτι τῆς ἀρετῆς ἡ
τελειωσις πρὸς τὴν τῆς ἀληθείας ἐλλαμψιν ἡμᾶς ἀναξεί, tra-
dita autem est horum cognitio Pythagoreis per ipsum Pythagoram,
per quem etiam in presentia auctor carminum iurat, fore scilicet, ut
virtutis perfectio ad veritatis splendorem nos sit adductura. Inde
autem, ubi docuisset, iusiurandum, diis præstitum,
fide sancta seruandum esse, paucis interiectis hunc
versuum horum sensum esse contendit: ἰδία δὲ ὁμνυ-
δα κατὰ τὴν παραδόντος ἡμῖν τὴν ΤΕΤΡΑΚΤΥΝ διδασκαλίαν, ἐς
ἐκ τῶν ἀθανάτων θεῶν, καὶ τῶν φύσει ἡρώων, ἀλλ' ἀνθρώ-
πος ὁμοιωσεὶ θεῶν κοσμηθεὶς, καὶ πρὸς τὰς αἰφ' ἑαυτῶν θεῶν
ἀποσιώζων εἰκόνα, speciatim iurari per doctorem, qui nobis TE-
ΤΡΑΚΤΥΝ tradidit, qui nec erat ex immortalibus diis, nec ex
illorum numero, qui natura sunt herōes, sed homo similitudine dei
ornatus, & apud diuina similitudinis dignitatem conseruans
(14). Negat hāgoram ex immortalibus diis esse,
nec heroum .mero inferendum, nihilo tamen mi-
nus illum diuina auctoritate prosequendum esse ob
diuinam illam ac mirabilem tetractyn, cuius notitiam
discipulis suis impertierit. Vidit hoc ipsum vir do-
ctiss. LVD. CAELIVS RHODIGINVS, qui hunc in
modum supra citatos versus interpretatur: cuius (sc.
τετρακτύος) cognitio Pythagoreis ab ipso tradita Pythagora est,
per quem etiam iurabant, veluti iurare per magistrum deceat, ob-
seruantia ac venerationis ratione, qui QVATERNARII ipsis
numerum tradidisset, quique non utique deus fuerit immortalis,
non heros, sed vir similitudine dei pradius (15).

§. VI.

Quæ igitur sit vis τετραδος, & quo loco apud
Pythagoreos fuerit habita, vidimus, sed nondum o-
nem illius rationem in apricum produximus. Quare
id
Q V A-
TERNA-
RII, quam
(1) in nu-
meris habeat
ostenditur,

(14) L. A. L. XXII. c. IX. p. 1039. (15) de Plantat. Nöe
p. 231.

id agamus necesse est, ut quid per τετρακτύν intellectum
velint, anquiramus. Nihil omnino est, quod perfe-
ctionis aliquid vsquam refert, quod τετρακτύν ambitu
suo complecti non exstiment: est quippe symbolum
consummatissimæ perfectionis. | Sed enim cum hæc
notio sit tantum relatiua, nec reale quid atque solidum
in rebus ipsis ponat, verum ordinem tantum ac relatio-
nem indigitet: nec numerus esse, nec cogitationibus
nostris concipi possit prius, quam res, quæ ab inuicem
natura, vel multitudine distinguuntur, existant, inda-
gemus oportet id, quod tanto nisu ad quaternarium
numerum relatum cupiuerunt. Varia vero illius con-
templatio instituitur, vel enim mysterium in numeris
ipsis, vel in rebus corporeis, vel spiritualibus & qui-
dem speciatim anima, vel denique in ipso deo, quate-
nus perfectionis omnis vberimus fons existit, sollicita
cura quaeritur. Prius quod spectat, in numero qua-
ternario fons atque radix omnium numerorum conti-
netur. Numerus denarius omnium numerorum sim-
plicium est perfectissimus, quia ad illum constituend-
um numeri, quicumque haberi possunt, concurrunt,
sed vero hos ipsos quaternarius potentia sua comple-
ctitur. Quod si enim numerum binarium addideris
ternario, emergit inde quaternarius, si binarium quater-
nario, habebimus senarium, quaternarius iunctus ter-
nario efficit septenarium, quaternarius, ternarius &
numerus vnitatis ubi supputantur, emergit octonarius;
tandem vero quaternarius cum numero vnitatis, bi-
nario & ternario constituit denarium. Vnde oppido
clare adparet, quaternarium numerum fontem esse at-
que radicem omnium reliquorum numerorum, vtpo-
te qui ex illo tamquam matre progignuntur. Ita sa-
ne putat PHILO, græcanicæ philosophiæ peritissimus,
cuius verba hæc sunt: ἐν μὲν γὰρ ἑνὸς καὶ τετταρῶν πεν-
τας ἐστὶν, ἐκ δὲ δυοῖν καὶ τετταρῶν ἑξας, ἑβδομάς δὲ ἐκ τριῶν
καὶ

και τετταρων. και πατα την τριπλην συνθεσιν, ἐξ ἑνος και τρι-
ων και τετταρων ὀγδοας. και παλιν ἐκ δυοιν και τριων και τεττα-
ρων, ὁ δυναει ἀριθμος, δεκάς δὲ ἐκ παντων, ἐν γὰρ και δυο
και τρια και τετταρα δεκα γιναι (15). Aliam rationem init
HIEROCLES, numeros semper pares coniungendo,
quo sic septenarium, tamquam ex illis minus geni-
tum, commendabiliorem redderet. En illius verba:
ἡ μὲν γὰρ μονας, ὡς ἀρχὴ παντος ἀριθμοῦ, τὰς παντων δυνα-
μεις ἐν ἑαυτῇ συνεχῆς, ἡ δὲ ἐβδομας, ὡς ἀμνηστος και παρθενος
τῆς μοναδος ἀξίαν δευτερώς ἔχει. Οὐτε γὰρ γινεται ἐξ
ἀριθμοῦ τινος τῶν ἐντος δεκάδος, ὡς και ο δ ἐκ τῆς δις β και
ο ἐξ, ἐκ δις γ, και ο δ ἐκ τῆς δις δ', και ο θ' ἐκ τῆς τρις γ'
και ο ι', ἐκ τῆς δις ε. Οὐτε γιναι τινα τῶν ἐντος δεκάδος ὡς ο
δυο τον τεσσαρα, και ο γ. τον ἐξ και τον θ. και ο ε. τον ι.
τῆς δὲ ἀγινητης μοναδος και τῆς ἀμνηστος ἐβδομαδος ἡ ΤΕ-
ΤΡΑΣ μιση και μιση, τὰς τῶν γεννητων και γεννημένων δυνα-
μεις ἀμα συνειληφε, μιση τῶν ἐντος δεκάδος και γεννημένη ἑπο-
τινος ἀριθμοῦ, και γεννησα τινα. ἡ γὰρ δυας ἑαυτὴν διπλα-
σιασασα τὴν ΤΕΤΡΑΔΑ γιναι. ἡ δὲ ΤΕΤΡΑΣ δις γεννημένη τον
ὀκτω ἀποτελεῖ (16). Cum igitur in numero qua-
ternario omnes numeri potentia contineantur, qui pro
diuersa ratione coniuncti ac compositi, alios omnes
numeros ex se gignunt & efficiunt, hinc facile patet
ratio, quare tantam dignitatem eidem adscripserint.
In numero quaternario fontem etiam omnium nume-
rorum contineri, LVCIANVS docet, vbi enim aliquem
numerare iusserat, ἐν, δυο, τρια, τετταρα, νημι, δυο,
μια, quatuor, pergit, ὅρας, ἂν συ δεκσεις τετταρα, ταυτα
δεκα εἰσι και τριγωνον ἐντελές και ἡμετερον ὄρκιον, vides, qua
tibi videntur quatuor, sunt decem & trigonum perfectum, nostrum-
que iuramentum (17). Quare IO. PROTOSPATHARIVS
ad HESIODVM (18), τελεια, ἰστί, ἀρα ἡ ΤΕΤΡΑΣ, και
ἐξ α τιμασθαι. Ἐτιματο και παρὰ τοῖς πυθαγορείοις. Vnde
QVA-

(15) de plantat. Nōc p. 231. (16) in aut. carm. p. 168. (17)
de vit. auct. Opp T. I. p. 362. (18) ἡμερ. v. 795.

QVATERNIONEM non sine ratione LVCIANVS no-
minat τον ἐντελῆ αυτοῖς ἀριθμον ἀποτελεῖν perfectum ipsis na-
metum constituere (19).

VII.

(11) In cor-
poribus.

Quoniam vero ad ordinem numerus plurimum
valet, qui inde proficiscitur, vbi numeri diuersi in v-
num conflantur, vel etiam ab inuicem disiunguntur,
vt sic vel conuenientia, vel distinctio rerum animad-
uertit possit, numerum ad ipsam naturam, resque in
toto hoc vniuerso occurrentes, transfulerunt. In hac
rerum vniuersitate omnia sapientissimo disposita esse
ordine, nihil ibi esse fortuitum, nihil tumultuarium prouenire:
sed vniuersa illic diuinis legibus & stata ratione procedere, vt ele-
gantissimis MACROBII verbis vtar (20), aduertebant.
Inde in hanc ingrediebantur sententiam, quem ad
modum concentus musicus ex apta numerorum com-
positione exsurgit; ita etiam totum hoc vniuersum
ad numeros constructum esse, quo sic suauissimus to-
tius naturæ concentus & harmonia attendenti adpare-
ret, quo de prolixius commentatur, quem modo no-
minaui, MACROBIVS (21). Inter alios vero nume-
ros, ne extra oleas vagemur, QVATERNARIVM in
singulis corporibus deprehendebant. Corpus tam-
quam solidum quid, trina dimensione præditum esse,
nemo facile inficias ibit, ad perfectam autem corporis
constitutionem requiri iudicabant, punctum, lineam, su-
perficiem, denique vero soliditatem. Quas corporis pro-
prietates vbi ad numeros redigebant, QVATERNARI-

B

VM

(19) opp. T. I. dial. pro laps. inter salut p. 521. conf.
EDVARD. de CHERBVRY de relig. gent. c. X. p. 88.
(20) in somn. Scip. L. II. c. I. p. 118. (21) l. c. p. 116-
120.

VM facile eliciebant. Punctum respondebat unitati, linea binario, superficies ternario, soliditas tandem quaternario. Audiamus HIEROCLEM, mysteria hæc Pythagorica ita pandentem: Το σημειον, inquit, αναλογον εστι μοναδι, η δε γραμμη δυαδι, απο τινος γαρ επι τι. και τριαδι προσκει η επιφανεια, συχνηωδεσται γαρ των ενδυ γραμμων το τετραγον. Το τερον δε οικειν τη ΤΕΤΡΑΔΙ. η γαρ πρωτη πυραμις εν τη ΤΕΤΡΑΔΙ θεωρεται. τριγων μ' βασειως υποτιθεισης, τε τρια. κορυφης δε αυτης επιτιθεισης, τε ενος, punctum respondet unitati, linea vero binario, fertur enim ex termino ad alium, sed ternario convenit superficies, triangulus enim omnium figurarum, quæ rectis constant lineis, est principium quasi & elementum. Solidum vero proprium est quaternario. Prima enim pyramis in quaternario conspicitur: cuius basin triquetram ternarius efficit numerus, summitatem vero unitas (22). Ex his igitur consecutionis lege hoc sequitur, QVATERNARII vestigia æque late sparsa esse, ac hæcerum vniuersitas, corporibus plena, est fusa; quidquid enim soliditatem habet, quæ a corpore reali seiungi non potest, illud iuxta ea, quæ modo demonstraui, quaternarium omnino præfert. Verum enim vero hoc nondum omnem quaternarii perfectionem exhaurit. In ipsis quatuor mundi elementis, quæ singulis huius vniuersitatis corporibus originem præbuerunt, sapientissimum fabricatorem haut leuem quaternarii adumbrationem dedisse autumant, quibus addunt, quatuor anni tempestates. In confirmationem huius rei iuuabit audire PHILONEM, qui rem ita disceptat: τας τε γην τε παντος ριζας, εξ ων ο κοσμος, τετραρας ειναι συμβεβηκε, γην, υδωρ, αερα, πυρ και τας ετησιους ωρας ισαριθμους χειμωνα και θερος, και τας μεθοριους, εαρ τε και μετοπωρον, quare vniuersi radices, ex quibus mundus hic constat, quatuor numerantur, terra sc. aqua, ær, ignis, totidemque anni tempestates, hiems & æstas, & qui his succedunt, ver & autumnus (23).

(23). Cum quibus consentiunt omnino, quæ HIEROCLES de hoc ipso numero habet: τα ειναι παντα η ΤΕΤΡΑΣ αναδηστα, συχνηων αριθμων, ωρων τε ετης, ηλιων, συναικισμων QVATERNARIVS omnia, quæ sunt, conplectitur, elementorum numerum, tempestatum anni, ætatum, societatum (24). Nec solum in natura QVATERNARII vim conspiceret se posse coniectabant, verum etiam in ipsis concentibus musicis eiusdem concursum ad suauem modulorum harmoniam multum facere sibi persuadebant (25). Quo vero modo Pythagoræ tetractys ad ipsa elementa, eorundemque iuxta numeros constitutionem ex mente TIMAEI LOCRI & PLATONIS sit adcommodata, docet CHERBVRIVS (26).

§. VIII.

Sic igitur videre quidem licet, corpora huius (III) In vniuersi singula, & qui in illo deprehenditur, ordinem mente ipsa-vmbram aliquam QVATERNARII præ se ferre. Quo-que sanitaniam vero res spirituales corporeas & extensas natura re. sua longe superant, multum certe perfectionis quaternario decederet, nisi & huius aliquid in mentibus siue spiritibus ostendi posset. Quare vbi diuersas animæ facultates considerarunt, quibus vires suas exserit, in illis quaternarium inuenire difficile haut fuit. Has ita enumerat HIEROCLES: και κριτικαι δε δυναμεις εν νους εστι τεσσαρες, νους, επισημη, δοξα και αισθησις. Κενεται γαρ παντα τα οντα η ιω, η επισημη, η δοξα, η αισθησις, sed quod iudicandi facultates spectat, illarum in iis, quæ sunt, quatuor numerantur, mens, scientia, opinio & sensus. Omnia quippe, quæ sunt, iudicantur vel mente, vel scientia, vel opinione vel sensu (27). Sed enim hac præcellentia non ea so-

B 2

lum

(23) de plantat. Nöe p. 230. 231. de mund. opif. p. 10. 11.

(24) p. 169. (25) RHODIG. c. I. (26) c. I. c. X. p. m.

89. (27) p. 168. conf. RHODIG. L: A. L. XXII, c. IX. p. m. 1039.

lum mentis facultas gaudet, quam contemplatiuam adpellare moris est, verum etiam voluntas, in cuius actionibus proportionem aliquam, numero quaternario adstrictam animaduenterunt. Hanc potissimum in iustitia, virtutum omnium directrice, obseruari posse autumat PHILLO, qui cum demonstrasset, quadrangulum rectis constare angulis, pergit: αἱ (sc. γωνίαι) δ' εἰσιν ὁρθοῦτος λογὸς σαφὴ δειγμάτων, πηγὴ δὲ αἰνῆτος ἀρετῶν ὁ λόγος. ἀναγκὴ μὲν τοι τὰς τε τετραγῶνας πλευρὰς ἰσὰς εἶναι. δικαιώσονται δὲ ἰσότης τὴν ἐξέχον καὶ ἡγεμονίδα τῶν ἀρετῶν ἐτέκην. ὥς ἰσότητος καὶ δικαιώσεως καὶ πάσης ἀρετῆς, χωρὶς τῶν ἄλλων, ἐπιδεικνύται τὸν ἀριθμὸν εἶναι συμβόλον, ἢ (anguli) recta rationis manifestu sunt indicia. Est autem recta ratio perennis fons virtutum. Necessum tamen est quadranguli latera esse aequalia. Aequalitas vero iustitiam praestantissimam ac principem omnium virtutum procreauit: adeo ut aequalitatis & iustitiae, omnisque adeo virtutis praeferat alia, hic numerus symbolum esse demonstratur (28). Cum autem virtutes splendoris multum animae concilient, & ad eiusdem perfectionem faciant plurimum, non iniuria de tractu pronuntiat MACROBIUS, eam quasi ad perfectionem animae pertinere (29). Sed vero quae adhuc de viribus animae disputata sunt, ea vel tantum in adlusione ad numerum quaternarium consistunt, vel quatenus ille symbolum aliquod perfectionis mentis habetur. Sunt tamen effectus aliqui, quos a tetracty, tamquam causa proxima, deriuant. Ita enim LVCIANVS de Pythagoreis adfirmat, οἱ ὑγείας ἀρχὴν ἠκαλεσαν, alii (tetraetyn) sanitatis principium adpellant (30). Quod si igitur tetraetys ex ipsorum sententia sanitatis est principium, aliquid ad valetudinem tuendam confirmandamque fecisse necessum est. Nisi etiam hic aliquis

(28) de plant. Nöe p. 231. (29) in somn. Scip. l. I. c. VI. p. 34. (30) dial. de laps. inter salut. p. 521. opp. T. I.

liquis symbolici quid subsuiffe contendat, hoc enim non obscure colligere licet ex iis, quae in proxime superioribus disferit: καὶ τῶς τετραγῶν αὐτοῖς τριγῶν, τοῖς δὲ ἄλλων τοῖς πενταγῶν, οἱ συμβόλοι πρὸς τὰς ὁμοδοξίας ἐχρῶντο, ὑγεία πρὸς αὐτῶν ὀνομαζέτο, & triplex illarum triangulus, qui alternatim inter se iunctus quinquelinearem figuram constituit, quo symbolo apud eiusdem sententia sectatores utebantur, sanitas adpellabatur (31).

§. IX.

Ex iis igitur, quae haecenus in medium produxi-
mus, dilucide admodum adparet, nihil omnino esse DEVM in-
rerum creaturarum, in quibus quaternarii vis non perspi-
ciatur. Cum autem & res omnes, & ordo longe fa-
cientissimus, qui animos nostros in admirationem rap-
pit, ortum illi suum acceptum referant, quem ob di-
uinam suam virtutem & omnibus numeris absolutam
potentiam fabricatorem & opificem totius vniuersi
praedicamus; per tetraetyn ipsum deum, omnis perfe-
ctionis exemplar consummatissimum intellectum vo-
luerunt. Quod ne temere adseuerare videamur, e re
nostra est, verbis illorum, qui Samii magistri vestigia
legerunt, comprobasse. Dei adpellatione qua terna-
rium insignit HIEROCLES, nuncupando ipsum Θεον
νοητον (32), item Θεον δημιουργον. Explicatius aliquanto
diuinitatem eidem adscribit, hunc in modum disfe-
rens: εἰς δημιουργος τῶν ὅλων καὶ αἰτία ἡ TETRAC, Θεος νοη-
τος, αἰτίας τὰ ἑρᾶν καὶ αἰθέτη Θεῶν, est QVATERNARIUS
opifex rerum vniuersitatis & causa, deus, qui sub intelligentiam
cadit, auctor celestis & sensibilis dei (33). Nec hoc nomine
aliquem ex deorum inferiorum turba, verum ipsum
deum summum, patrem deorum & hominum, quem Io-
uem vulgo adpellant, indigitarunt (34). Talem etiam
nobis

(31) c. 1. (32) p. 167. (33) id. p. 171. (34) id. p. 203.

nobis tetractyn describit NICOMACHVS GERASE-
NVS, qui in arithmetiis suis theologicis, quorum argu-
mentum PHOTIVS exhibet (35), ex Pythagoreorum
mente ita disserit: ἡ ΤΕΤΡΑC αὐτῆς θαυμα μέγιστον, ὁλ-
ληΘΕΟC ΠΟΛΥΘΕΟC, μάλλον δὲ ΠΑΝΘΕΟC, QVATERNA-
RIVS magno ipsis est miraculo, NOVVS DEVS & quidem
MVLTIPLIX, vel potius OMNIDEVS (36).

§. X.

In tetracty
Pythagorica
latitare no-
men tetra-
grammaton.

Quare cum tam splendide, tamque magnifice de
QVATERNARIO suo sentiant & loquantur Pythago-
rei, vt non vulgare quidpiam, nec abiectum, verum
omnis ordinis, omnisque sapientiae conditorem, deum
ipsum, innuant, vitio certe non vertendum videtur
illis, qui ineffabilis nominis, vti nonnullis dicitur,
(quod ob quaternarium litterarum, quibus constat,
numerus τετραγράμματος adpellari solet), vestigia sibi
deprehendisse sunt visi. Huius opinionis si non au-
ctor PHILO exstitit, eidem certe excogitandae occa-
sionem suppeditasse videtur. Postquam enim de sa-
cratissimo hoc nomine dixerat, inscriptum fuisse coro-
nae summi sacerdotis, sermonem inde statim ad τετρακ-
τυν deflectit, easdemque nomini τετραγράμματος virtutes
adscribit, quas alias Pythagorei tetracty suae, decan-
tae adeo, tribuere solent. τετταρας ἔχον, inquit,
γλυφας ὀνόματος, ὁ ποιοῖς τοῖς ὅτα καὶ γλωτταν σοφία
καθαθεμενοις θεμῖς ἀκκεῖν καὶ λεγεῖν ἐν ἀγίοις, αἰδωὶ ὁ
ἐδέναι το παραπαν ἑδάμ. τετραγράμματος δὲ τ' ὄνομα φησιν
ὁ θεολογος εἶναι. ταχα πρὸ συμβολα τιθεῖς αὐτα των πρω-
των ἀριθμων, μοναδος καὶ δυαδος καὶ τριαδος, καὶ τετραδος.
ἐπειδὴ παντα ἐν τῇ ΤΕΤΡΑΔΙ. σημειον καὶ γραμμη, καὶ ἐπι-
φαιεια καὶ σερεον, τα μετρα των συμπαντων. Quae SI-
GISM.

(35) p. 467. (36) biblioth. p. 459-467.

GISM. GELENIVS ita conuertit: insculpta erat (lamina
aurea) quatuor litteris nominis illius, quod solis aures linguamque
sapientia purgatis fas est audire nominareque in sacris, praeterea
nemini. Id theologi aiunt esse tetragrammaton, fortasse quod signi-
ficet primos numeros, unum, duo, tria, quatuor. QVATER-
NIONI enim insunt omnia, punctum, linea, superficies, soliditas,
mensura vniuersorum, & quae sequuntur (37). Verum ex
recentioribus scriptoribus sunt, qui hoc argumentum
excusserunt, & rationibus exquisitis demonstrare ad-
laborarunt, Pythagoram in notitiam nominis τετρα-
γράμματος incidisse, illudque ne propalando pollueret,
inuoluto τετρακτυς nomine obtexisse. Hoc inde a
primis statim renascentium litterarum cunabulis de-
monstrare est adnitus FRANC. PICVS, Mirandolæ co-
mes, cuius verba exhibet Cl. WAEYENVS (38). Idem
facere est adgressus vir doctissimus IO. SELDENVS
(39), maiori vero studio & contentione, hoc vt eu-
ctum daret, est molitus, quem §. I. nominaui, GODE-
FRIDVS VENDELINVS. Eandem hanc sententiam,
sed dubitanter admodum, proponit EL. SCHEDIVS
(40). Illustr. Abrincensium episcopus PETR. DAN-
IEL HVETIVS eidem tamquam veri persimili conie-
cturae pollicem premit (41), nec ab illa alienus est cel-
lenensium quondam theologus FRANC. BVDDEVS
(42). Alios nominat V. C. IAC. BRVCKERVS (43),
qui simul existimat, quid per tetractyn suam intelle-
ctum voluerit Pythagoras, vbi a numeris discefferimus,
& ad res, quae ratione & consilio absoluuntur, tran-
stulerimus, coniectura perspicere non posse.

§. IX.

(37) de vit. Mos. p. 670. (38) de numer. septen. p. 40. 41.
(39) de diis Syr. syntagm. II. c. I. p. 135. 138. (40)
de diis German. L. I. c. XII p. m. 230. (41) demonstr.
euangel. c. II. §. 8. p. 54. & 281. (42) diss. de haeres.
Valent. §. XV. p. 465. (43) hist. philos. P. II. L. II. c. X
quaest. XVI. p. 124. 125.

Proponuntur
rationes,
quæ pro hac
sententia
proferuntur,
& examini
subiiciuntur.

Rationes, quæ pro sententia hac militant, sunt
petitæ, (1) a conuentientia nominum, ut enim τετρα-
γραμματον natales suos debet quatuor litteris, quibus
constat: ita etiam τετρακτυς; vel τετρας ad quaternari-
um numerum originem suam refert. (2) Quia uti
nomen τετραγραμματον sacrosanctum, ac mysteriis ple-
num habebatur ludæis, ita pariter τετρακτυς Pythago-
reis: ut, qui per illam iuraret, per Pythagoram,
& omnia Pythagoreorum sacra iurasse censeretur.
(3) Sententiam hanc probabiliter fulciunt ratione, a tem-
pore petita. Pythagoram sc. apud Babylonios versa-
tum esse, quo tempore ludæi ibidem captiui detine-
bantur, speciatim vero illud ex Daniele, magorum
temporis principe, haurire potuisse. Audiamus
SELDENVM, mentem suam ita explicantem: quam fa-
cile fieri potuerit, ut is Iudaicum nomen dei; nec prorsus abscon-
ditum, nec temere propalandum disceret, & τετρακτυς vocaret (44).
Argumenta hæc licet speciem habeant, & magnum
verisimilitudinis colorem præ se ferant, tamen ubi ac-
curatori subiciuntur examini, locum suum minus tu-
entur, quod iamdum monuit, quem modo laudavi,
BRVCKERVS. Quod enim (α) attinet argumentum,
a conuenientia vtriusque nominis depromptum, illud
ultra quaternarii notionem non procedit. Quemadmo-
dum enim τετραγραμματον a quatuor litteris, sibi inui-
cem iunctis, nomen habet, ita etiam Pythagoreorum
τετρακτυς nudam tantum quaternarii numeri notionem
inuoluit, non vero rem declarat, in qua numerus ille
quærendus. (β) Concedo, mysteriorum plenam habitam
fuisse tetractyn Pythagoreorum, illamque singulari
quadam religione profectos fuisse; sed inde nondum
sequitur, fuisse propaginem τετραγραμματς, a ludæis
ad Pythagoreos transmissi, ab iisdemque adoptatum
fuisse.

fuisse. Quid per τετρακτυς suam sit intelligendum, Py-
thagorei definiunt, vim vero ac potestatem τς τετρα-
γραμματς ludæos latuisse, nec illorum quemquam,
pontifice excepto, efferre potuisse, ad vnum fatentur
omnes. (γ) Dubitarim, num sacrosanctum nomen
יהוה illo tempore, quo ludæi in Babylonia captiuita-
tis ac exilii tædia tolerabant, sub nomine ארבע אותיות
quatuor litterarum fuerit in usu: existimauerim potius,
illud ludæis græcissantibus in acceptis esse referendum,
maxime a quo tempore hæc inter ludæos inualuit
opinio, integrum non esse cuiquam, illud suis pronun-
tiare litteris. Hoc vero sub secundo demum templo
euenisse, admodum est probabile. Sed enim Pythago-
ras illo temporis articulo ludæos adiit, quo ipsi patrio
solo exciti apud Babylonios, inque vicinis oris hære-
bant, & ab illa posterioris æui consuetudine adhuc-
dum alieni erant. Equidem, quod IAMBLICHVS re-
fert, αἰδω μὲν ποιούμενους ὀνομαζέειν Πυθαγόραν (ὥσπερ καὶ
τῶν θεῶν ὀνομασίᾳ χρῆσθαι πολλὰν φειδῶ ἐποίητο) δια δε
τῆς εὐσεβείας τῆς τετρακτυς δηλῶντων τὸν αἰδρᾶ, reuerentia
quidem dullos nominasse Pythagoram, quem ad modum etiam reli-
gioni sibi ducebant, uti deorum nominibus) per inuentionem vero
numeri quaternarii virum indicasse (45). Hoc tamen ex ali-
qua ludæorum imitatione fecisse, censendi non sunt,
sed potius ut hoc ipso palam omnibus facerent, quo
honore magistrum prosequerentur ob insigne illud be-
neficium, quod τετρακτυς sibi manifestasset. (δ) Nec
parum roboris demonstrationi nostræ accedit, ubi
cum erud. FVLLERO (46) nomen τετραγραμματιν ab
illo demum tempore, quo diuina oracula in græcum
conuersa sunt idioma, vel ad Græcos dimanauit, ἀ-
νεκφάνητον haberi capisse, statuimus, in quorum lingua
C π, quod

(45) de vit. Pythag. p. 126. 127. (46) miscell. sacr. l. IV. c.
XIII. p. 1040.

7, quod bis in nomine תורה occurrit, efferri minus potest. Quando autem Israëlitarum apud Babylonios mora interpretationem græcam LXX. senum per haut exiguum temporis decursum anteuerit, certum est, Pythagoram nominis tetragrammati noticiam a ludæis haurire non potuisse.

§. XII.

Tetractys
Pythagoreis
est deus: sed
a materia
non seiun-
ctus, verum
cum illa con-
fusus, ut ex
illo res o-
mines proflu-
ant, in &
cum illo sub-
sistant.

Sed prius quam sententiam meam exponam, causæ meæ plurimum seruiet, ex §. IX. repetiuisse, Pythagoreos per tetractyn suam deum ipsum intellexisse, sed non a materia distinctum, verum cum illa confusum ac permistum adeo, ut singulas eiusdem partes peruaderet ac animaret. Per τετραδα intelligendum esse Θεον νοητον, αἰτιον τῶν ὄντων καὶ αἰσθητῶν θεῶν in superioribus ex HIEROCLE demonstraui. Per Θεον νοητον non est intelligendus nisi deus, qui mente tantum & animo a nobis cognoscendus, sed αἰσθητος & Θεός, qui sensus nostros mouet, eosdemque diuersimode adficit. Vniuersum hoc αἰσθητον Θεον adpellat, non ea solum de causâ, quod sensus moueat, verum etiam & quidem præcipue, quod sentiendi facultate sit instructum; singulas quippe partes eiusdem dei partes esse autumabant, & deus per singulas illas diffusus esse iudicabatur, ὥσπερ ὡς αἰδία τε καὶ ἀγενήτης μέρος ἐκάσῃ καὶ ἀπερρώϊα (47). Adpellat non solum μερὴ ραττες, verum etiam ἀπερρώϊαν defluxum ac effluuium aliquod, ex ipso deo progrediens, subsistens tamen in illo, vnumque cum eo constituens. Hoc omne suæ τετρακτυ adtribuunt, vnde quatuor elementa, quæ rebus omnibus ortum dederint, defluerint. Illud ex Pythagoreorum mente explanat PHILO, dicens: ἐτι τῇ τῶ παντος, ὄντων τε καὶ κόσμου γενεσὶ γεγονεν ἀρχὴ-τα γὰρ

(47) PORPHYR. de vit. Pythag. p. 36.

τεσσαρα χειρεια, ἐξ ὧν τοδε το παν ἐδημιουργηθη, καθάπερ ἀπο πηγῆς, ἔρρη της ἐν ἀριθμοῖς τετραδος, vniuerso huic, celo pariter atque mundo ortum prauit, quatuor enim elementa, ex quibus totum hoc vniuersum est fabricatum, tamquam ex fonte numeri quaternarii defluerunt (48). Cum igitur ex ipsorum mente τετρακτυς causâ rerum omnium existat, sponte sua illud sequebatur, numerum hunc facere & ad rei qualiscumque existentiam, & ad illius decus ac perfectionem. Quare HIEROCLES dicit, quod sit πηγὴ της αἰωνας Φυσεως & μονον τῶ εἶναι τοις πασιν, ἀλλὰ καὶ τῶ εἶναι αἰωνιος αἰτία καθ' ἑαυτης το οἰκειον ἀγαθον δια παντος ἐφαπλωσασα τῶ κοσμου, οἷον Φωὶς ἀκηρατον καὶ νοερον, fons perennis natura non solum ad existendum omnibus, sed etiam ad bene existendum, æterna causâ, proprium bonum, vbiq; per vniuersum tamquam lux incorrupta & intellectualis se expandens (49). Igitur τετρακτυς est ipse ille deus, quem per vniuersum mundum ita sparsum ac diffusum esse arbitrantur, adeo ut per ipsam omnia subsistant (50). Hinc qui τετρακτυν probe perspectam cognitamque habebat, qua ratione singula huius vniuersi corpora ex æterno deo processerint, quis nexus, quæ harmonia inter singula intercederet, quoque ordine inter se containerentur, is certe in philosophiæ cognitione plurimum profecisse sibi videri poterat: ἐσι γὰρ αὐτοις τῶν τε φυσικῶν ἀποτελεσμάτων πηγὴ, καὶ κλειδωχος της Φυσεως. ἀλλὰ καὶ της κατὰ τα μαθηματα συσσεως τε καὶ διαμονης αὐτῇ προαγωγος καὶ αἰτία. ἀλλὰ καὶ αὐτῇ Φυσις καὶ αἰολα, est enim ipsi naturalium effectuum fons & natura clauiger; quinimo & hæc ad disciplinarum constitutionem & permutationem ducit, earundemque causâ existit. Ipsa quinetiam est natura & varietas (51). Igitur tetractys est deus cum natura confusus & permistus, non tam

C 2

πολυ-

(48) de mund. opif. p. 11. (49) p. 174. (50) HIEROCL. c. I. p. 176. (51) NICOM. GERASENVS arithm. theol. ap. Photium p. 463.

πολυθεος quam παρθος, vt qui ipsam nosset, & deum & mundum sibi notum reddidisset. Quare hanc tamquam tesseram & compendium totius philosophiæ suæ discipulis commendauit Pythagoras, vt, qui per illam iuraret, sacratissimo quodam iureiurando se obstrinxisset iudicaretur. Nec quidquam hic adfirmo, quod non cum Pythagoreæ scholæ placitis apprime conueniat. Ea de tetracty pronuntiant, quæ nonnisi excellens aliquid atque diuinum philosophiæ Pythagoreæ sectatoribus oblicere poterant. Sed & illud est in propatulo, diuinam mentem non ab rerum corporearum compage seiunxisse, sed potius immiscesse. Cum creationem ex nihilo intellectu suo adsequi non possent, continuam tamen rerum, quas vniuersum hoc ambitu suo complectitur, mutationem obseruarent, omnis illorum cura eo est conuersa, vt docerent, qua via mentes omnes, omnesque substantiæ, earundemque nexus mutuus ex mente diuina promanarint, in & cum illa subsisterent, in eandemque rursus reciderent (52). Quod cum pro certo tenerent, aliter fieri non poterat, quam vt deum quoque per omnes res huius vniuersi diffusum statuerent, omnesque res peruadere & animare decernerent. Quod ipsum ne longi simus clarissimis testimoniis comprobatum dedit idem BRVCKERVS (53).

§. XIII.

Pythagoram
de doctrina
trinitatis a-
liquid per-
spectum ha-
buisse, illud
que sub te-
tracty sua
latere volu-
isse,

Sed enim qualia demum cumque hæc sint, nondum tamen liquet, qua de causa deus cum natura confusus, τετραδος vel τετρακτυος nomine fuerit insignitus.

(52) BRVCKERVS de conuen. num. cum ideis Plat. infert. SCHELHORN, amoen. litter. T. VII. §. IX. p. 213. 214. hist. philos. P. II. l. III. c. X. §. 10. p. 110. (453) cit. diss. §. 10. p. 216-221.

tus. Hæc igitur mea est hypothesis. Pythagoram aliquid de Deo, in tribus subsistente personis, inter Iudæos inaudiuisse, illamque doctrinam postea ad philosophorum orientalium, antiquam sane, opinionem, qua mundum ex ipso deo prodiisse, deumque huic animæ instar non tam præesse, quam interesse, cunctisque rebus spiritum, motum, vitam, decus & harmoniam conciliare, adcommodasse. Inter Iudæos priscos doctrinam de s. trinitate viguisse, dubium vix est vllum, cum absque hac nec deum patrum suorum rite colere, nec diuina vatum oracula intelligere potuissent. Cum vero Pythagoras cum Iudæis fuerit versatus, idque vbique locorum omni virium contentione egerit, vt in rerum vel maxime abditarum scientiam se immitteret, dubio vix caret, quin aliquam mysterii huius notitiam sibi parauerit. Cum Pythagoræ ac discipulorum illius scripta perierint, equidem hoc non ita liquido probari potest, Platonem vero hic aliquid per transennam quasi vidisse, & plures adseuerant, & ex ipsius scriptis haut obscure demonstrari potest. Plato vero in rebus, quæ sola mente percipiuntur, ducem cum primis sectabatur Pythagoram. Quippe enim, teste LAERTIO, μίξιν ἐποίησεν τῶν τε ἡρακλειτῶν λόγων καὶ Πυθαγορικῶν, καὶ Σωκρατικῶν. τὰ μὲν γὰρ αἰσθητὰ καὶ ἡρακλει-
τον. τὰ δὲ νοητὰ, κατὰ Πυθαγόραν. τὰ δὲ πολιτικά κατὰ Σωκράτην ἐφίλοσοφει (54). Platonem autem mysterium trinitatis perspectum habuisse, loco ex Timæo producto adseuerat CLEMENS ALEXANDRINVS. Verba ipsius hæc sunt, ὅτι τὸν πάντων βασιλεὺς πᾶσι ταῖς ἐξ, καὶ κείνῃς ἐκείνῃς ταῖς παντὶ. καὶ κείνῳ αἰτίῳ ἀπαιτῶν καλῶν. δευτέρον ἐστὶ ὅτι ταῖς δευτέρῃς, καὶ τρίτον περὶ ταῖς τρίταις, circa omnium regem omnia sunt, & illius

(54) in vit. Plat. L. III. p. m. 194. conf. BRVCKERVS in diss. cit. §. I. p. 181-184.

illius ergo omnia, & ipse est causa omnium bonorum. At secunda (sc. causa) versatur circa secunda, tertia circa ea, qua tertio continentur loco (55). Conceptis verbis Plato nominat tres causas, ab invicem distinctas, quarum cuique suæ vices in fabricatione & administratione rerum omnium pro illarum ordine sint concessæ. Quas nonnisi de tribus personis diuinis intelligendas esse, sententia est CLEMENTIS, qui hæc ilico subiungit: ἡ ἀλλως ἔγωγ' ἐξ αὐτῶ, ἢ τὴν αἰνίαν τριάδα μνηνεύειν. τρίτον μὲν γὰρ εἶναι τὸ αἰνίον ΠΝΕΥΜΑ, τὸν δὲ ΤΙΟΝ δευτέρου, δι' ἃ πάντα ἐγένετο κατὰ βελήσιν τὴ ΠΑΤΡΟΣ, non aliter ego hæc accipio, quam sacram trinitatem significari, tertium sc. esse SPIRITUM SANCTUM, sed FILIUM secundum, per quem omnia confilio PATRIS sint facta. Quæ ipsa ex CLEMENTE repetit EVSEBIUS (56). Tria porro hæc principia suis peculiaribus insigniuisse nominibus, CL. CLERICVS probatum dedit, primum sc. τὸ ΟΝ ΑΙΤΙΟΝ ἀπαντῶν, secundum ΛΟΓΟΝ, tertium ΨΥΧΗΝ ΚΟΣΜΟΥ adpellasse (57). Quod vero addit notionem τὴ λογία, ad secundam sacrosanctæ trinitatis personam restrictam, ex Platoniorum scriptis mutuata fuisse, merito a theologis reiicitur, & speciatim a WITSIO (58), WAEYENO ac VITRINGA (59) solidis argumentis est refutatum, rectius longe sentit Cel. Theologus FR. ADOLPHVS LAMPIVS, notionem τὴ λογία ex illo מַלְאָכִים, in historia creationis iterum iterumque obuiro, arcessitam fuisse (60). Nec generatim tres nominant, verum etiam illis nominibus, quibus sacra oracula diuinas personas indigant, dei PATRIS & dei FILII designasse ex PORPHYRIO

(55) Strom. I. V. p. 598. conf. Petr. van EYS de Platon. Moisæ. c. III. §. 12. p. 23. 24. (56) præpar. euangel. I. XIII. p. 675. (57) art. crit. P. II. sect. I. c. XV. §. 10. p. 306. (58) miscell. sacr. T. II. exerc. III. §. 9-17. p. 95-101. (59) obseru. sacr. L. V. c. X. p. 140-147. (60) diss. de origin. nominis λογίας hab. Vltrai. 1727.

RIO obseruat AVGVSTINVS (61). Aliqua etiam lux, ex spissis licet tenebris, ex illis ARISTOTELIS emicat, aliquam trinitatis notitiam Pythagoreis perspectam fuisse. Ita enim ille, καθάπερ γὰρ Φασὶ καὶ οἱ Πυθαγόρειοι τὸ πᾶν καὶ τὰ πάντα τοῖς ΤΡΙΩΝ ὥρῃσι. τελευτῇ γὰρ καὶ μέσῃ, καὶ ἀρχῇ τὸν ἀριθμὸν ἔχει τὸν τὴ πάντος. ταῦτα δὲ τὸν τῆς ΤΡΙΑΔΟΣ. διὸ παρὰ τῆς φύσεως ἐληφότες ὡς περὶ νομῆς ἐκείνης, καὶ πρὸς τὰς ἀγίας τῶν θεῶν χρωμεθα τῷ ἀριθμῷ τούτῳ, quemadmodum enim Pythagorei dicunt, vniuersum hoc & quaecumque in illo sunt, TRIBVS sunt definita. Finis enim & medium & principium, hunc vniuersi numerum complectitur, hæc vero illum, qui est TRINITATIS. Idcirco a natura, tamquam illius leges accipientes, etiam ad sacrificia deorum hoc numero utimur (62). Fateor subobscura sunt, quæ de Pythagoreis in medium profert Stagirita, interim tamen ex his adparet, ipsum aliquam trinitatis adumbrationem in naturæ constitutione & conformatione sibi inuenisse visum esse.

§. XIV.

Quam vero de trinitate habuerunt notitiam, Illud autem, illam cum vniuerso hoc ita arte iunxerunt, vt vnum quod de trinitate cogni- cum illo constituere sint arbitrati. Deum vniuersi causam docuerunt quidem, sed talem, quæ ab effectu tum babe- distincta non sit, cuiusque effectus in ipsa causa ma- bat, cum neat & subsistat, ac cum illa vnum aliquod constituat. sua de mun- Hoc iam ope ANIMAE mundi fieri arbitrabantur, per do ex deo, e- quam spiritum sanctum intellexisse docet EVSEBIUS: manante o- ἐπὶ τὸ πρῶτον θεὸν ἀναγῶσιν, ἐπὶ τὸ δεύτερον αἰτίον, καὶ τρι- pinione con- τον τὴν τὴ ΚΟΣΜΟΥ ΨΥΧΗΝ, θεὸν τρίτον καὶ αὐτὴν ὀρίζομενοι fuisse. εἶναι, ad primum deum, & ad secundum principium (causam) re- ferunt, tertium MVNDI ANIMAM, quam ipsam etiam tertium deum

(61) de C. D. I. X. c. XXII. (62) de cæl. I. I. c. I. opp. T. II. p. 596.

deum esse definiunt (63). Sed vt tandem summam aliquam cogitationum mearum conficiam, breuibz dico. Si Pythagorei ea TETRACTY adscripserunt, quæ summo alias deo, vniuersi opifici, adscribere solent, itemque dogma sacrosanctæ trinitatis aliunde cognouerunt, illam vero cum vniuerso hæc ita commiscuerunt & confuderunt, vt vnum tantum cum illa constituerit, in illam pronus eo sententiam: Pythagoreorum TETRACTYN effectam esse ex deo TRINO cum NATVRA, ex illo per emanationem aliquam & effluuium quoddam prodeunte, confuso & commixto. Nihil hic adfirmo, quod non principiis philosophiæ Pythagoreæ sit congruum. In tetracty Pythagorea aliquid Christianorum doctrinæ de diuinarum personarum trinitate consonum deprehendit iamdudum LVCIANVS, perspicacis quidem, sed simul peruersi animi homo, qui, quo Christianorum de trinitate doctrinam profanorum hominum sannis & ludibrio exponeret, illam τὴν Τετρακτὺν τὴν Πυθαγορεῶν sarcastice & impie adpellauit. Sacrosanctam enim trinitatem petere, ex omnibus, quæ in dialogo, cui nomen *Philopatridis*, habentur, satis adparet: Iubens enim Critias vt iuraret, Trierphon hunc in modum iusiurandum concipit: ὁ ψιμεδόντα θεόν, μέγαν, ἀμβρόσιον, ἑρμηνεύον, ΤΙΟΝ ΠΑΤΡΟΣ, ΠΝΕΥΜΑ ἐκ πατρὸς ἐκπορευόμενον, ἐν ἐκ τριῶν, καὶ ἐξ ἑνὸς τρία ταῦτα νομίζε, per deum alte regnantem, magnum, immortalem, celestem, FILIVM patris, SPIRITVM ex patre procedentem, vnum ex tribus, & ex vno tria hæc (esse) existima. Hunc autem deum, quem ita descripserat, in seqq. cum tetracty confert, quod certe minus fieri potuisset, nisi impius homo sciuisset, in illa latere aliquid, quod vel Pythagoras ex doctrina hac fuerit suffuratus, inque philosophiæ suæ compagem inuexerit, vel cum doctrina hac componi posset. Quæ adhuc dixi, suisque rationibus confirmaui, lucem aliquam mutuari possunt ex

Valen-

(63) præp. Evangel. l. XI. c. XX. p. 541.

Valentinianorum portentosa hæresi, qui non minus ac Pythagorei ΤΕΤΡΑΚΤΥΝ aliquam, THEODORETO teste (64), adscripserunt. Valentinianorum hæresin gnostico-rum esse propaginem, ex doctrinæ Christianæ, philosophiæ cabbalisticæ, Pythagoricæ & Platoniciæ mistura ortam, viri docti dudum mouerunt. Aeones, quorum alii ex aliis prodibant, natales suos debent cabbalistarum Sephiroth, quibus, Cel. VITRINGA iudice, nihil aliud intenderunt, quam vt explanarent attributa dei, quæ cum summa perfectione necessario connexa sunt, quæ cento studuerunt digerere ordine, vt vnum quasi ex alio procederet; tum reliqua, quæ præter deum existunt, entia, quæ statuerunt esse ex deo per EMANATIONEM; siue intellectualia, siue corporea (65). Horum æonum, quos mutuis συζυγίαις contineri dicebant, primum adpellabant ΤΕΛΕΙΟΝ, quem etiam προαρχὴν, προπατορὰ & θυθον nuncupabant, eidemque connubii societate ἐννοίαν adiungebant, ex vtriusque coniunctione alteram συζυγίαν, scilicet ΝΟΤΩ & ΑΛΗΘΕΙΑΝ procreatam esse autumabant. De his duabus συζυγίαις autem pronuntiat THEODORETVS, τὰς δὲ δύο ταύτας συζυγίας, Πυθαγορικὴν ὀνομαζέσαι ΤΕΤΡΑΚΤΥΝ καὶ ῥίζαν πάντων καλῶσι, hæc duas coniunctiones siue coniugum paria Pythagoricam adpellant TETRACTYN & radicem omnium. His plane gemina sunt, quæ ex IRENAEO produxit cel. VITRINGA, cuius verba apud ipsum legi possunt (66). Quando autem fundamentum X. Sephiroth cabbalistarum est doctrina de sacrosancta trinitate & attributis, quæ deus tum in opere naturæ, tum in opere gratiæ manifestauit (67), Valentiniani vero Cabbalistarum doctrinam cum Pythagoreorum scitis confuderunt, ad veritatem proxime accedit, per tetractyn suam sacrosanctam triadem & mundum visibilem, ex illa emanantem, indicare.

D

§. XV.

(64) de heret. fab. p. m. 87. (65) obseru. sacr. l. I. diff. II. c. II § 2. in not. p. 118. (66) c. I. p. 139. 140. in not. (67) VITRINGA c. I. p. 145.

Brenis di-
porum diva-
κεφαλαί -
ως .

Sic igitur sententiam nostram de τε-
τρακτυ Pythagoræ explanauimus, in qua si minus
recte a nobis aliqua sint definita, vitio nobis minus
vertet æquus rerum riber, qui considerauerit, quantis te-
nebris systema hoc philosophicum sit obiectum. Nume-
rorum doctrinam ad rerum existentium naturam expli-
cadam adcommodasse Pythagoram constat, quibus tan-
tam vim atque efficaciam adscripsit, ut vel ipsi principio-
rum rationem haberent. Quando autem per hos nume-
ros rerum omnium, tum quæ intellectu & voluntate
gaudent, tum quæ mole aliqua atque extensione sunt
præditæ, naturas declarare est adgressus: certe numero-
rum horum ratio non in ipsis rebus, quæ effluvia quæ-
dam diuinæ mentis reputabantur, sed in ipso deo est
quærenda. Liqueat hoc quam clarissime ex illis, quæ
de tetraκty in superioribus adtulimus. Equidem no-
lim dicere, carmina, sic dicta aurea, quæ Pythagoræ
nomen præferunt, ab ipso philosopho Samio profecta,
sed potius ab aliquo discipulorum ex mente magistri
concinata fuisse, quo haberent, in quo industriam
suam exercerent, doctrinæque & virtutis cultu ad per-
fectionis apicem contenderent. Quando igitur in his
carminibus τετρακτυς dicitur παγα γενναῖα φυσῶς, per
tetraκty tale quid intelligi oportet, ex quo rerum o-
mnium fons & origo repetenda, & per quod illæ o-
mnes perpetuo subsistunt. Sed vero deum a materia
non distinxerunt, verum potius cum illa confuderunt
§. XII. Nihil igitur impedit, quo minus per τετρακ-
τυν ipsum deum cum naturis intelligibilibus & corpo-
reis colligatum ac confusum, ex mente Pythagoreorum
intelligamus. Nullum hic in demonstratione vitium
committimus, talia præmittendo principia, quæ ex
doctrina Pythagoræ sponte sua consequuntur. Nec
illud male habeat aliquem, me Christianorum de trini-
tate dogma cum profana Pythagoreorum doctrina
temere committere. Ego loquor hic ex sententia Py-
thago-

thagoreorum, nec ratione carere iudico, Pythagoram
in aliquam veri dei, in tribus personis distinctis exi-
stentis, notitiam incidisse, illam vero cum impia sua
de emanatione rerum omnium ex diuina mente opi-
nione turpissime coniunxisse. Et si quis etiam hoc
de Pythagora diffiteri sustineat, ipsum mysterii huius
notitiam neutrquam cognitum habuisse, hoc tamen
sententiæ nostræ nihil derogat. Non tam quærimus
de eo, quid Pythagoras senserit, qui philosophiam
non scriptis complexam, sed pectoribus clausam voluit,
sed de eo, quod discipuli eius de hac tetraκty litteris
consignatum reliquerunt. Constat autem philoso-
phos profanos, qui ea tempora viuendo attigerunt,
quibus doctrina Christi quoquouersus spargebatur,
multa Christianorum dogmata philosophematis suis
adaptasse, quo sic & suis & aliis fucum facerent, in-
cremento religionis Christianæ obicem ponerent, ruen-
tibusque scilicet deorum rebus suppetias ferrent.
Hoc præ aliis Pythagoreos & Platonicos fecisse, nec
leuem rei Christianæ his suis insidiis cladem intulisse,
a viris doctis iamdum est monitum. Eleganter ad-
modum & in rem nostram compositè dicit cel. MOS-
HEMIVS (68): quisquis iunierum Platoniorum libros attentius
inspexerit, is vniuerse verum illud sentiet, quod a Christianis
crimini illis datum esse diximus, nec paucas loquendi formas, sen-
tentias, præcepta & monita in illis offendet, quæ manifesto Chri-
stianam disciplinam sapiunt, scilicet hanc ab iis sese doceri passam
esse demonstrant, quorum res & rationes extinctas & euersas sum-
mopere cupiebant. Platonici autem Pythagorei accensendi,
quia Plato pleraque sua de rebus spiritualibus ex
Pythagora mutuauit. Recentioribus Platonici cum
primis accensendi Iamblichus, Porphyrius, Hierocles,
quos aliquoties nominauimus, quique Pythagoream
& Platoniam philosophiam inuicem componere adla-
bora-

(68) differt. deturbata per recent. Platon. eccles. §. 18. diff.
ad H. E. pertinent. p. 34.


borarunt. Speciatim hoc ipsum de trinitatis mysterio demonstratum dedit (69), qua ratione iuniores Platonici tribus Platonis principiis illud aptarint.

TANTVM!

(69) diff. de stud. ethnic. Christian. imitand. §. 13. p. 362-365.

THESES a RESPONDENTE
adnexae.

- I. *Vri voluntas in homine est principium actuum, ita in DEO actiuosa est maxime.*
- II. *Providentiam diuinam dari, & absoluta DEI independentia, & rerum creaturarum conditio, & paucerrimus, qui in hoc vniuerso apprehenditur, ordo abunde evincunt.*
- III. *Etiam angelorum & hominum actiones DEI providentia subsunt.*
- IV. *Circa actiones malas DEVS sua providentia ita versatur, ut modum illis ponat, & ad fines sibi gloriosos dirigat.*
- V. *Demonstrationes philosophicae, quae ex sana rationis principiis iusta ratiocinationis lege fluunt, aequae certe sunt, ac quae ex sacris litteris instituuntur.*
- VI. *Intellectum a voluntate quodammodo pendere, non una ratione demonstrari potest.*
- VII. *Intellectus actiones sunt immanentes, voluntatis vero transeuntes.*
- VIII. *Constantinum M. rationibus politicis motum, Christo fidem dedisse, solida ratione probari nequit.*
- IX. *Imperii Assyriaci potentia in primis suis initiis tanta non fuit, quanta a nonnullis scriptoribus commemoratur.*
- X. *Regis Artaxerxis Longimani annum vigesimum, in annum fere CCC ab vrbe Roma condita incidere, probabile est.*



183P99

DM



Michaelis

De tetracty Pythagorica

